



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. I. An præscriptio procedat contra non valentem agere?

[urn:nbn:de:hbz:466:1-73001](#)

aliquam, ut feudum, possedit, & servitum domino exhibuerit: quamvis de ea re non sit investitus, præscriptione tamen triginta annorum se iuveri potest; excipe tamen, nisi constaret de mala fide; tum enim constaret de substantiali defectu præscriptionis legitimæ. Ad 3. Resp. affirmativè, si feudum sit hereditarium; non autem, si ex pacto, & providentia; ratio sumitur ex differentia feudi hereditarii concessi pro se, & heredibus quibuscumque tam suis, quam extraneis maribus; alterum autem conceditur solum pro se, & liberis, seu filiis, nulla mentione facta herendum, quæ talium; jus enim nullum transit in heredem, nisi quod habet is, cuius hæres est; igitur si is, cuius hæredes sunt liberi, hoc est, cui succedunt liberi jure solum hereditario, non ut liberi, sed ut heredes, completâ præscriptione contra se amisit feudum, nihil ad illos transmittit; aliud est de his, qui vocantur in feudum ex pacto & providentia; non autem, titulo hereditario; sed jure sanguinis, &c.

Ad 4. Resp. si dominus directus, errore ductus (puta ex præcedente aliquà promissione) investit Titum, cum in re non deberet, feudum hoc à Tito præscripti cum bona fide, longo tempore; sic enim non deficit titulus, bona fides, & possessio per tempus jure definitum; quæratio militat in casu, quo quis investitus foret per Procuratorem, qui, justo investiti errore, credebatur habere mandatum speciale, ex quo patet ad 5. Ad 6. Resp. quod sic, quantum est ex tali titulo, si cetera non desint. Nam ad præscriptionem temporis ordinarii sufficit titulus existimatut per num 2367. Ad 7. Resp. quod sic, si foret possessio bona fidei; tunc enim non deficeret titulus coloratus, si justo errore sibi persuasit, Vasallum id posse; nam tali casu feudum, quæ tale 30. annis præstereret contra ipsum dominum; colligi videtur ex l. 2. feud. tit. 42. §. Præterea ibi: *feudum alienatum non legitimè (nullâ obstante præscriptione) revocari potest;* ergo secus, illâ obstante.



ARTICULUS ULTI. M U S.

De impedimentis, & effectu præscriptio-
nis.

Non est dubium præscriptionem sa-
piùs impediti, ne vel incipiat legitimi-
mè; vel, si quidem rectècepit, deinde vel
aliquid deficiat, vel superveniat, ne conti-
nuerit, vel deniqvè per tempus aliquod
suspendatur, eā quidem lege, ut anterius
tempus cum eo, quo pender præscriptio;
non possit computari; sed solum cum sub-
sequente, quo sublata est causa penden-
tia, & cursus hactenus impeditus, atque
ut ajunt, sufflaminatus, rursum liber est.

Q. I.

An præscriptio procedat contra non va-
lentem agere?

DE hoc agitur L. 1. §. nè autem, C. de annali exception. ubi dicitur: *præscriptio non currit, non valenti agere de jure,* hoc est, jure obviante, vel prohibente illi actionem, contra quem præscriptio tendit. Hæc regula proficiscitur à ratione naturali, propter quam non est conveniens, ut is poenam, vel iacturam patiatur, qui nullam culpam, vel negligentiam in custodia rerum suarum, jure actionem; vel vigilantiam actionis inhibente, commisit; sic Baldus in Authent. *Nisi trien-*
nale, C. de bonis matern. junctâ gloss. V. apparuerint. Unde Sichardus in Cod. l. 3. tit. 28. de inoffic. testamen. in L. 14. & 16. n. 10. fol. 178. rectè docet, *quod præscriptio non currat ei, qui non est negligens:* at quartido quis agere non valet de jure, non est negligens; quis enim incusare eos poterit, si hoc non fecerint; quod, eti maluerint, minime adimplere lege obviante valebant; ut ait Imperator in cit. L. 1. §. 2. *Ne autem.* Ex hoc infit Baldus in cit. Authent. *Nisi, quod, si statu-*
tum dicet, ut eis currat præscriptio, qui sua debita non exegerint intra 10. annos, ei non currat præscriptio, qui agere im-
peditus est; quia illa regula est naturalis; nec naturalis æquitas patitur, ut ibi sit poena,

ubi

ubi non est negligentia? sic Baldus cit apud Barbos l. 14. axiomat. c. 64. n. 4.

2479. Sic contra mulierem non currunt præscriptio, si soluto matrimonio agat pro dote; durante matrimonio à Viro alienata; quia constante matrimonio per leges agere non potuit pro dote, nisi in unico casu; quo scivisset Virum vergere ad inopiam; Sichard. cit. in Cod. de jure dotium, tit. 12. l. 5. §. omnis autem, à m. i. fol. 615. Sic contra annalem actionem injuriarum non præscribitur, estō annus à die illatæ injuriæ elapsus sit, si injuriatus primum habuit notitiam injuriæ ab uno, vel altero mense; quia prius agere non valuit; Sichard. cit. quia est de substantia injuriæ, revocatam esse ad animum, seu innotuisse.

2480. Ex hoc collig. i. quando quis per leges impeditur ab agendo certo tempore, eo tempore præscriptionem non currere, ut patet ex cit. l. 1. sic Ludovic. Gomez ad §. Rursus Institut. de actionibus. n. 14. apud Barb. n. 3 Collig. 2. quod illa regula (*non valenti, seu impedito agere*) procedat in impedimentoo iuris; sic Arctinus in L. pæctia novissima. 10. L. 2. C. de pactis, apud Barbos. cit. n. 3. Jason in §. Item si quis in fraudem, Institut. de action. n. 87. Pithing, de præscript. n. 132. ubi impedimentum juris explicat, per impedimentum intrinsecum. Nati contra non valentem agere solum propter impedimentum extrinsecum, seu facti, currit præscriptio; nam lex i. cit. clarè loquitur de impedimento per legem; hoc tamen corollarium sic aliqui generaliter admittunt, ut procedat sive impedimentum facti sit justum, & sine culpa; sive injustum; ex §. Rursus. Institut. de actionib. ita tamen, ut juste impeditus restituatur in integrum per L. 1. ff. ex quibus causis majores; sic Abbas in c. Ex transmissa, de præscript. n. 13. Felin. ibid. n. 8. Cæterum Barbosa in cit. c. Ex transmissa, n. 6. judicat, impedimentum facti generale, & notorium quoad effectum impediendi cùsum præscriptionis, æquivalere impedimento iuris, quibus positis:

2481. Si ab initio præscriptionis is, contra quem tendit præscriptio, de jure non valet agere præscriptionem contra illum non posse inchoari? si post legitimè inchoatam, de jure non possit agere, toto eo

tempore præscriptionem dormire? de quo in seqq. Unde hæc regula, quod tali casu præscriptio non currat, applicanda est, ubi præscriptio legitimè cœpta est; ubi autem statim ab initio is, contraria quem præscriptionem quis inchoare vult, agere non valet, rectius dicitur non procedere, hoc est, non inchoari legitimè; sicut, si ab initio præscribens careat vel bona fide, vel legitimâ possessione, ut jam dictum est supra, quia tunc hōn tam dicitur non currere (cūm hōn incepit) quam non inchoare.

§. II.

Quando præscriptio dormiat?

2482. Per dormitionem præscriptionis, ut notavimus n. 278 intelligitur ejusdem interquiescentia, quando scilicet ejus cùsum sistitur quidem, sic tamen, ut elapsum tempus non in nihilum recidat, seu nihil prospicit; sed ut cessante causa dormitionis, seu interquiescentie, anterioris & elapsum ante tempus (dormitionis tempore subtracto) coniungatur cūm posteriori, & cum illo fiat unum ad comprehendendam præscriptionem; ut notavimus n. cit. Hinc, si quis fundum alienum bona fide, ac requisito titulo possedit octennio & sub hoc is, cuius est fundus; jure impeditur agere quadriennio; toto hoc quadrienniali tempore dormiret præscriptio; si tamen elapo quadriennio cessaret causa impedimenti, propter quod iure prohibitus fuit dominus ab actione, & præscribens continuaret subsequenti biennio possessionem ut antea; hoc biennium, cum priori octennio conficeret possessionem longi temporis, sufficientem ad præscriptionem rei immobilis inter præsentes; si non laboret alio vitio:

2483. Si quereras, quando præterea censemur dormire præscriptio? Resp. quod si tendat contra Ecclesiam, dormiat toto tempore vacantis Ecclesie, ac Schismatis: constat ex c. quarta. 4. h. 1. ubi dicitur, quartam decimatum, & funeralium præscribi contra Episcopum 40. annis, nisi forte interim pastoralis sedes caruisset pastore; quia iura Ecclesie sua exigere debuissent; 2. ex c. auditio. 15. eod. ubi dicitur, quod Prælatus inferior possit præscribere in certis

L. III. 3. Eccle-